



7144 Vella, 27 da december 2021

Novitads dalla suprastanza communal Lumnezia

La suprastanza communal Lumnezia ha approbau las suandontas fatschentas.

Administraziun communal – engaschaments da personal

Ils inserats per las plazzas dil canzlist communal e dil menader digl uffeci da baghegiar ein stadas publicadas. Per la piazza da canzlist communal ha ei dau neginas annunzias. La piazza vegn publicada il fevrer 2022 aunc inaga. Per la piazza da menader digl uffeci da baghegiar Lumnezia ei Michael Caduff da Morissen vegniu elegius.

La collaboratura Flurina Demont da Vella ha visau sia piazza ell'administraziun communal silla fin da fevrer 2022. Sin la publicaziun dalla piazza ein duas annunzias entradas. En vesta allas pensiuns da pliras personas dall'administraziun communal igl onn proxim ed il fatg ch'ei ha aunc buca saviu vegnir pladiu in/a canzlist/a communal/a ein omisduas personas vegnidadas engaschadas: Naven digl 01. d'uost 2022 vegn Lenia Collenberg da Morissen engaschada en pensum da 100%. Ella siara giu igl emprendissadi mercantil tier la vischnaunca Lumnezia il fenadur 2022. Patricia Giger da Mustér, che ha fatg siu emprendissadi tier l'administraziun communal da Mustér entscheiva la lavur igl 01. da mars 2022 en pensum da 100%.

Traffic public per tariffa nulla

Duront il temps d'unviern, naven dils 16 da december 2021 entochen ils 03 d'avrel 2022 sa il traffic public vegnir nezegiaus gratuitamein.

Diever gratuit dallas pendicularas Sursaisa Mundaun pils affons dalla scola obligatoria Lumnezia

Ils cuosts digl abbonement da sesiun pil diever dallas pendicularas per ils affons indigens tochen la vegliadetgna ch'els fineschan la scola vegnan surprì dalla vischnaunca Lumnezia.

Cumpra dalla parcella 8241 ella val Miedra el vischinadi da Degen

La vischnaunca Lumnezia ha cumprau dil Departament federal per defensiun, protecziun dalla populaziun e sport (DDPS), Murmattweg 6, CH-6005 Luzern (Armasuisse) la parcella 8241 ed il baghetg nr. assic, 9-208 ella val Miedra el vischinadi da Degen.

Toponomia digitala

Cun la meglieraziun e cun l'extensiun dalla mesiraziun ufficiala, register dils edifecis e dallas habitaziuns cun las midadas d'adressaziun ei il prighel cheu che biars toponims van en emblidanza. En fuorma da cudisch dat ei ina rimnada da toponims, detgas ed usits da Lumbrein. Auters vischinadis han entschiet culla medema lavur. La suprastanza communal ha appropau il november 2021 il project Toponima digitala, ina plattafuorma electronica che sa vegnir actualisada dafertontier cun quellas informaziuns.

Surdadas incaricas da lavur

Ils scaldaments dils suandonts edifecis comunals ston vegnir sanai. Las lavurs da planisaziun ein vegnidadas surdadas ad Erwin Hendry, Via Alpsu 3, 7188 Sedrun.

- Vrin, casa da scola
- Vignogn, center communal
- Degen, center communal

Project Reallabor dalla Regiun Surselva en collaboraziun culla Scol'aula specialisada dil Grischun (SASGR)

La structura economica dalla Surselva se basa oravontut sils secturs mistregn e turissem. Per restar attractiva sco liug da habitar e luvrar sto la Surselva porscher plazs da lavur era sil sector diversificau da scienza e scolaziun. En rom dalla nova strategia vegn lantschada la realisaziun da preschientscha fisica dalla SASGR en Surselva en fuorma dad in "Reallabor". La vischnaunca Lumnezia ha concediu la contribuziun finanziaria tenor clav da repartiziun dallas vischnauncas dalla Regiun Surselva.

Infrastructura da sport a Bual, Vella

Considerond las pretensiuns e cundiziuns ch'igl Uffeci pil svilup dil territori dil cantun Grischun (UST) ha fatg suenter ina pre-examinaziun dad in project planisau per ina infrastructura da sport a Degen, ha la suprastanza communal decidiu igl october 2021 da suandar la varianta per la sanaziun dall'infrastructura da sport a Bual, Vella.

Entochen ch'il project sa efectivamein vegnir realisau ston ils stabiliments a Bual, Vella vegnir sutmess ad ina sanaziun pintga. Quella pertucca oravontut ils indrezs sanitaris cun duschas e tualettas, ch'ein en in stan desolat. La suprastanza communal ha deliberau il credit corrispudent.

Conclus dalla radunonza communal Lumnezia dils 17 da december 2021

- Approbaziun dil preventiv da quen annual 2022
- Affirmaziun dil pei da taglia 2022 sin 100% dalla taglia cantunala semplia sin entrada e facultad
- Concessiun dil dretg da burgheisa dalla vischnaunca Lumnezia a Brigitta Bruderer, sesenta a Silgin, Lumbrein
- Concessiun dil dretg da baghegiar el quartier Bual, Vella a Tania Casanova e Kevin Lechmann, sesents actualmein a Glion
- Revisiun parziala dalla Lescha davart igl uorden public per la vischnaunca Lumnezia per mauns dalla votaziun all'urna dils 13 da fevrer 2022.
- Approbaziun dil project e concessiun dil credit per la ruta dad ir cun velo "Nino Schurter Bike Trail".

Termins radunonzas communalas Lumnezia 2022

18 da mars 2022

17 da zercladur 2022

16 da settember 2022

16 da december 2022